



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 94 Zakona o budžetu Brčko distrikta Bosne i Hercegovine (Službeni glasnik Brčko distrikta BiH, broj 34/19), člana 12 Zakona o izvršenju Budžeta Brčko distrikta Bosne i Hercegovine za 2021. godinu (Službeni glasnik Brčko distrikta Bosne i Hercegovine, brojevi: 4/21 i 12/21), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 - prečišćeni tekst i brojevi: 17/20 i 24/20) i Prijedloga odluke Vlade Brčko distrikta BiH broj predmeta: 02-000352/21, broj akta: 01.11-0377MB-002/21 od 8. 12. 2021. godine, Skupština Brčko distrikta BiH, na 18. redovnoj sjednici održanoj 22. decembra 2021. godine, donosi

ODLUKU

O ZADUŽENJU BRČKO DISTRIKTA BiH PREMA EVROPSKOJ UNIJI PO OSNOVU UČEŠĆA BRČKO DISTRIKTA BiH U RASPODJELI SREDSTAVA MAKROFINANSIJSKE POMOĆI (RFA) - PRVA TRANŠA

Član 1

Zadužuje se Brčko distrikt Bosne i Hercegovine prema Evropskoj uniji koju predstavlja Evropska komisija, po osnovu učešća Brčko distrikta Bosne i Hercegovine u raspodjeli sredstava makrofinansijske pomoći (RFA) - prva tranša u iznosu od 1.250.000,00 EUR, što čini 1% od ukupno odobrenih sredstava za Bosnu i Hercegovinu.

Član 2

Iznos sredstava po osnovu zaduženja iz člana 1 ove odluke je namijenjen za finansiranje mjera za otklanjanje posljedica izazvanih pandemijom koronavirusa (COVID-19), kao i za ostalu budžetsku potrošnju.

Član 3

Uslovi pod kojima će se Brčko distrikt Bosne i Hercegovine zadužiti po osnovu prve transe odobrenog kredita su:

- a) Iznos I. tranše (nominalni iznos): 1.250.000,00 EUR;
- b) Iznos neto povlačenje (99,332% od nominalnog iznosa): 1.241.650,00 EUR;
- c) Prihod od kamata (1,12 EUR po apoenu): 1.400,00 EUR;
- d) Troškovi vezani za transakciju: 40,00 EUR;
- e) Neto iznos finansiranja: 1.243.010,00 EUR;
- f) Datum dospijeca: 22. 4. 2036. godine;
- g) Kamatna stopa (kupon): 0,25%;
- h) Datumi plaćanja kamate: 22. aprila svake godine do datuma dospijeca;
- i) Datum plaćanja glavnice (nominalnog iznosa): 22. 4. 2036. godine.

Član 4

Sastavni dio ove odluke je Memorandum o razumijevanju između Evropske unije i Bosne i Hercegovine, Sporazum o kreditnoj liniji između Evropske unije, kao zajmodavca, Bosne i Hercegovine, kao zajmoprimca i Centralne banke Bosne i Hercegovine, kao agenta zajmoprimca, i Supsidijarni sporazum između Bosne i Hercegovine, kao zajmoprimca i Brčko distrikta Bosne i Hercegovine, kojim Zajmoprimac prenosi prava i obaveze na Brčko distrikt Bosne i Hercegovine.

Član 5

Ova odluka stupa na snagu danom donošenja i objavit će se u Službenom glasniku Brčko distrikta Bosne i Hercegovine.

Broj: 01-02-7275/21

Brčko, 22. 12. 2021. godine

**PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić**

Dostavljeno:

1. Predsjedniku
2. Dopredsjedniku
3. Gradonačelniku
4. Sekretaru Vlade
5. Direkciji za finansije
6. Sektoru za opće poslove i strateško planiranje
7. Arhivi